

Alkitab Buat Bocah
Nampilin



Laki-laki
nyeng Kaga
Mao
Ngebongkok



Nyeng nulis: Edward Hughes

Nyeng bikin gambar: Jonathan Hay
Alastair Paterson

Nyeng nyocokin: Mary-Anne S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.





Raja Nebukadnezar bikin satu patung emas nyeng gede banget. Semuanya dari emas, dari pala sampe kaki. Bisa jadi raja udah kaga inget lagi ama ngimpinya nyeng dikasih Allah soal kerajaan emasnya nyeng kaga bakal, bisa betahan lama. Bisa jadi dia mikirnya, kalo dia ngebuat patung nyeng sama dibikin dari emas, lantas semua nyeng dibilang Allah kaga bakalan jadi.



Salah seorang pembantu raja ngebacain satu pesen buat semua orang: "...elu kudu sedeku nyembah ama patung emas ini. Dan siapa aja nyeng kaga mau sedeku dan nyembah bakalan dibuang ke dalem tungku api."



Semua orang ngelakuin apa nyeng diperintah raja-kecuali tiga orang. Mereka orang Ibrani. Mereka Sadrakh, Mesakh, ama Abednego, temen-temen/sohibnya Daniel. Kayanya wayah itu Daniel lagi kaga ada di sono, sebab udah pasti dia juga bakalan nolak nyembah berhala bikinan manusia.



Orang-orang bijak raja pada sirik ama Daniel dan temen-temennya, sebab raja suka banget ama mereka. Lantas mereka bilang, "Ada tiga orang lelaki nyeng udah raja taro sebagei pengatur wilayah Babel-Sadrakh, Mesakh, ama Abednego. Mereka, ya raja, kaga nurut sama perentahmu. Mereka kaga ngelayanin dewa raja atawa nyembah patung emas nyeng udah nyeng mulia bikin."



Raja Nebukadnezar
marah banget. Dia
ngasih peringatan
ama mereka, "Kalo
kamu kaga nyembah
dia, kamu bakal
dibuang ke dalem
dapur nyeng nyala.
Dan allah mana
nyeng bakalan
ngebebasin kamu
dari dapur api?"




Raja bikin kesalahan gede. Dia bener-bener nantangin Allah nyeng idup. Ketiga orang Ibrani itu tau kalo soal itu besebrangan ama perintah Allah dengan nyembah berhala. Mereka tetep berdiri kaga goyang. Sebab mereka percaya sama Allah, mereka kaga ngeper sama raja.




Ketiga orang pembrani ini ngejawab apa nyeng diomongin raja. Mereka bilang, "Allah kami bakalan ngebebaskan kami dari dapur api itu. Tapi kalo kaga, kami bilang kepadamu, ya raja, kalo kami kaga bakalan nyembah berhala emas nyeng kamu bikin."



Raja Nebukadnezar
marah banget! Dia
perintahin supaya
manasin dapur api
tujuh kali lipat
lebih panas dari
nyeng biasa. Dan
ketiga orang itu
tetep aja kaga mau
sedeku.



Raja nyuruh orang-orang kuat nyeng ada di
tentaranya buat ngiket Sadrakh, Mesakh
ama Abednego
dan ngelemparin
mereka ke
dalem dapur
api.



Api itu panas banget sampe-sampe
nyalanya ngebunuh tentara nyeng
kuat itu, waktu mereka
ngedeketin api dan
ngelemparin Sadrakh,
Mesakh ama Abednego.



Raja ngeliat dari jauh. Dia liat tiga laki-laki itu bener-bener dilemparin ke dalem tengah-tengah dapur api itu. Tapi bukan cuman itu doang nyeng diliat raja.



Raja Nebukadnezar kaget banget! "Bener kaga ya, kalo kita udah ngelemparin ketiga laki-laki itu ke dalem dapur

api?" Raja nanya sama pembantunya. "Bener, banget raja!" mereka ngejawab. "Liat! Aku liat empat laki-laki selamat, pada jalan di tengah nyala api, mereka kaga ada nyeng kebakar. Dan orang nyeng keempat keliatan kaya Anak Allah!"



Dideket pintu dapur itu, raja
terepak, "Sadrah, Mesakh,
ama Abednego, pembantu
Allah yang Luhur, keluar!"
Lantas Sadrah, Mesakh
ama Abednego keluar dari
dapur api itu.



Semua orang pada ngumpul ama ketiga orang Ibrani itu dipereksa. Mereka ngeliat kalo api itu kaga bisa ngebakar mereka. Kaga selembat juga rambut mereka nyeng angus ama baju mereka juga kaga kebakar. Kaga bau api pisan pada mereka.



Pas sadar ama apa nyeng udah terjadi, raja Nebukadnezar bebuat sesuatu nyeng biking gundam. Dia sembahyang, dan bilang, "Terpuji Allah Sadrakh, Mesakh, ama Abednego, nyeng udah ngirim malekatNya ama udah nyelametin pembantu nyeng percaya kepadaNya."



Laki-laki nyeng Kaga Mao Ngebongkok

Sebuah cerita dari perkataannya Tuhan, Alkitab

Ditemuin di

Daniel 3

"Palang pintu Firman Engkau ngasih terang."

Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

